

具位臣某與臨壇法衆等謹同誠上落
 虛無自然至真無極大道大羅元始天尊太
 上道君太上老君昊天玉皇上帝紫微上宮
 天皇大帝紫微中天北極大帝后土皇地祇
 東華南極西靈北真玄都玉京金闕七寶會
 臺紫微上宮靈寶至真明皇道君至真諸君
 丈人十方已得道大聖衆上相上宰上保上
 傅少保少傅四司五帝十二仙卿三十六部
 尊經玄中大法師三天大法師紫微垣帝座
 星君太微垣少微垣帝座星君
 皇帝本命星君帝座照臨星君
 皇太子本命星君宮垣照臨星君三界官屬
 一切威靈巨等幸以宿緣生逢道運總圖校
 錄誓流演於仙科係國寧家惟贊襄於道化
 按瑤壇而宿建遵瓊爰以虔祈銜珮珮玉之
 和秩秩鼓鐘之序
 帝臨無貳天聽非遙更冀申飭神真降垂官
 將滂除氛厭前截邪蹤營衛齋壇道迎景福
 使臣等朝修默感念慮合具萬象呈輝臨照
 密迴於

皇極三乘啓蓋希微妙演於瓊科神化洋洋
 靈光赫赫明最行道續更敷言謹啓以聞

十念

存神燒香

香官使者左右龍虎君侍香諸靈官當今臣
 向來宿啓瑤壇之所自然生金液丹碧芝英
 百靈衆真交會在此香火爐前上願天鑒宸
 衷尊安

皇極玉振金聲之合序瓊輪羽蓋之臨軒福
 集邦畿恩覃宇宙十方仙童玉女侍侍蘭煙
 傳臣向來所啓之誠速達徑御
 至真無極大道

三清上聖

昊天玉皇上帝御前

出堂頌

金錄大齋宿啓儀

金錄大齋宿啓儀

高功升座

啓堂法事

捨香祀曰

此香浮黎國內玉京山中億萬年結系凝煙
 百千衆通誠達信根盤審 葉滿梅檀林
 寶香一炷熱爐中三界十方 稽首焚香上
 啓供養

三清三境十極十華無上至真道經師寶十
 方三界千真萬靈金錄大齋壇應感真宰伏
 願驂龍駕鳳飛空步虛降臨道場證盟功德
 下靜

大道門高不易登如今且與接中乘若知元
 始懸珠意碧落浮黎自此升原夫至道之精
 香香冥冥至道之極昏昏默默處於太極之
 先出於希夷之表不可以貌像聲色求不可
 以形名度數取無知也而無不知無為也而
 無不為是故古之至人體此道者不可於貌
 像聲色求不可以形名度數取於戲故能香
 冥之中獨見知焉昏默之中獨聞知焉及其

其精積久交暢旁通以至動天地則上下交孚以至感鬼神則聆嚮斯答至於祈福祥去災禍拔沈冥却邪癘無施不可彼至人果何修而得此也其致之必有其道矣致之道其惟齋法乎齋法之說有內有外請備論之內齋者恬澹寂寞與道期者孔子以心齋之法告顏淵蓋此類也外齋者登壇步虛燒香懺謝即古人禱祠祭祀之餘意也齋法見於道家者凡二十有七品其源出於靈寶一曰太真齋二曰上清齋三曰大洞齋四曰金房齋此四齋者不假人為與天為徒所謂內齋者也五曰太一齋六曰九天齋七曰金錄齋八曰玉錄齋九曰盟真齋此五齋者惟天子得修之臣庶不得修禮也十曰黃籙齋十一曰洞神齋十二曰自然齋十三曰三元齋十四曰陰炭齋十五曰拔度齋十六曰洞淵齋十七曰天寶齋十八曰九幽齋十九曰五鍊齋二十曰正一齋二十一曰太平齋二十二曰三皇齋二十三曰八帝齋二十四曰北帝齋二十五曰首教齋二十六曰解考齋

二十七曰化胡齋此十八者修之各有其宜臣庶無間也自太一齋而下二十二品謂之外齋皆有儀範具在藏中其間施設雖有不同要其歸則不能出於靈寶之範圍也故高上老子曰道家所先莫近於齋齋者甚多大同小異功德甚重實能貫通乎上下以歸于最上一乘也其威儀節度總二百四十條秘於三元官中造端舉要以詔後學由此觀之則所謂動天地感鬼神福邦家濟幽顯捨此道則何以哉修齋之要在乎誠敬專懇備物盡禮登齋之士別貴乎端虛勉一遵守成規備盡威儀如有所失則有玄都簡之罰宗師之意察可見矣蓋惟表裏相符彼此交盡然後可以感格高真產祥降嘏雖然區區者不足為吾黨之士道哉試請論其大者語曰人能弘道非道私人夫齋法自玄一三真人始授太極萬仙公以至互相授受分宗演派修之則白日登晨上賓三境載之簡冊不可枚舉豈非人能弘道之效乎以今欽奉

天永命集慶延禧職任宣行敬志勉力尤在壇眾以弘道之心為心同寅協恭始終如一陟降之間洋洋乎如在帝之左右則天人相與之際得無暇玷宜不憚歎易曰神而明之存乎其人汝往欽哉勉旃是幸

下靜
十部飛天秘玉京齋科傳世自三真丁寧為我弘斯道即是淳黎得度人
高功下座率眾官望壇拜
講唱四結願

金錄大齋啟盟儀